

Табасарандин СЭС



Табасаран райондин
жямьяьтлугъдинна - политикайин газат



Голос
Табасарана

№ 28 (1122) Жвуми, 7-пи июль, 2023-пи йис (2001-пи йисан 5-пи майдианмина удубч1вур)

В.В.Путин Дербентдиз гъафнийи

Мялум вуйганси, щийин йисан 28-пи июнди, мусурмарин Къурбан машквар йигъан, РФ-йин Президент Владимир Владимирович Путин рабочий поездкайин иинди ихь республикайиз гъафну. Рабочий поездкайин рамкйиригъди ихь уьлкейин президент Дербентдиъ «Нарын – Гъалайин» гъахьну, федералин эгъемият айи памятникдин статус айи жвумийин мистаз, ЮНЕСКО-йин варидюньяйин ирсан жара объектариина, ц1ийиди ачмиш дап1найи фонтандихъна гъушну.

«Нарын-Гъала» йирхъудпи аьсри диву тикилиш ву ва дидин метлеб шагъур уьбхюб вуйи. Хъа жвумийин мист дюнъайиъ варит1ан кюгънестарикан саб, Урусатдиъ варит1ан кюгънейин вуди гъисаб шула. Ихь йигъариз думу VIII аьсри диву мистан асас тикилишар: к1улин дарамат, медресе ва яшамииш шлу хулар сагъди гъузна. Жвумийин мистаъ Владимир Путиндиз Къур'андин китаб пешкеш гъап1нийи.

Тарихдинна-культурайин объект вуйи «Нарын – Гъалайин» государствойин к1ули айир халкъдин сяна-аьтарин выставкайихъди таниш гъахьну. Владимир Путиндиз Дагъустандиъ туризмийн артмиш'валикан ва дидин тялукъ къурулуш артмиш ап1бан жележедикан ктитну. «Нарын – Гъалайинна» ккудубшу йисан 900 агъзур турист гъафну.

Владимир Путиндихъди Дербентдиъ РФ-йин Президентдин Кафари Кавказдиъ вари ихтиярар айи вакил



Юрий Чайка, Республикайин Глава Сергей Меликов ва Дагъустан Республикайин сенатор Сулейман Керимов, Дербент шагърин глава Рустамбег Пирмягъмедов хъайи.

Владимир Путинди Дербентдин шагърин админи-

страцияйиъ Кафари Къавкъаздин региондин глав'йирихъди ва профилин министрарихъди туризмийн циркил артмиш ап1бан месэлийириан совещание к1ули гъубхну. Совещаниейин къаляхъ Республикайин Глава Сергей Меликовдихъди

гюрюшмиш гъахьну.

Уьлкейин президентдиз республикайиъ туризмийн циркили к1улиз адагъну ккуни проектар улупну. «Къайд ап1урзаки, гъам государствойин, гъамсана ихь уьлкейин бизнесдин умуми месэла – му туризмийн гъуллугъарин ери ва инфраструктура за ап1уб ву. Мушваъ ухъу туристариз варит1ан ужудар шараитар яратмиш ап1увалихъна, варидихъан думу мумкинвалар ишлетмиш ап1уз шлувалихъна ва хат1асузвалихъна чалашмиш духъну ккунду. Жюргежюр тяминвалин инсанарин т1алабар ва мумкинвалар гъисабназ гъадагъну ккунду», - гъапну В.В.Путинди.

(Аьхир 2-пи машнаъ.)

Ихь райондиз ЛНР-иан хялар гъафну

Цци 4-пи июнди Табасаран райондиз халкъарин арайиъ вуйи фольклорин XXI ва республикайин аьдати культурайин «Дагълуйир» фестивалин рамкйиригъди Луганск Халкъдин Республикайин халкъдин ялхъварин ансамблин коллектив гъафнийи. Думу коллективдихъди райондин глава Мягъамед Къурбанов гюрюшмиш гъахьну.

Гюрюшмишдиъ Мягъамед Къурбановди Луганскдин ва Табасаран райондин агъалйирин арайиъ культурайин аьлакыйир мягъкам ап1уб, культурайин кыматлувалар чип-чпихъна рукъуб важиблу вуйиваликан гъапнийи. «Ич райондиз учву гъюб'ин к1ваант1ан рази вуча. Къайд дап1ну ккундуки, му ражну «Дагълуйир» фестиваль машгъур шаир Расул Гъямзатовдин юбилей къайд ап1урайи йисан к1ули гъабгъюра. Умудлу вуза, ихь культурайин аьлакыйир хъана мягъкам шул, ва ухъу гъарисан чиб-чпихъна жюргежюр марагълу проектар хъади хяларди гъагъюри хъидихъа», - гъапнийи Мягъамед Къурбановди гюрюшмишдиъ.

Серенжемдиъ гъацира делегацияйин член, Луганск шагърин халкъдин яратмиш'валарин Хулан гъуллугъчи Елена Митченко удуч1вну гъулхнийи. Дугъу Дагъустандикан, асас вуди хялар къабул ап1бакан, чан фикрар, хялар ачухъ гъап1нийи. Дугъу гъацира Луганск шагъриъ дагъустан культурайин Центр яратмиш дап1найиваликан ва диди багахъ вахтари ЛНР-из дагъустанлуйирин гъювал тешикл ап1уб планламиш ап1урайиваликан гъапну.

Хъасин райондин культурайин Хулаъ хялариз табасаран халкъдин мягълийирикан ва ялхъварикан ибарат вуйи концерт улупну. Хяларира чпин ужударстар хореографияйин номерар улупну.

(Аьхир 7-пи машнаъ.)

Мектебдин тикилишдин гъял ахтармиш гъап1ну

Республикайин Глава Сергей Меликовдин табшурогъниинди Республикайин Главайин РД-йин Халкъдин Собраниейиъ вакил Нюсрет Уьмаровди Табасаран райондиъ мектебар тикмиш ап1бан гъял ахтармиш гъап1ну.

Республикайин Главайин РД-йин Халкъдин Собраниейиъ вакил Нюсрет Уьмаровдихъди Хюрикк гъулаъ диврайи мектебдин тикилишдиина Табасаран райондин глава Мягъамед Къурбановра гъушну. К1ваин дап1ну ккундуки, Хюрикк гъулаъ 500 урхурайиригъди йишв ади мектебдин ц1ийи дарамат дивра.

Мектебдин йирси дараматар аварийный гъялнаъ а, ва


баяр-шубари душваъ шубуб сменаийи урхура. Гъулаъ 5 корпусдикан ибарат вуйи ц1ийи мектеб милли «Образование» проектдиз асас дивра.

Гъаму вахтна объектдин 25 касди ляхин ап1ура. Дурарин къадар декабрь вазли райондиз РД-йин Гъюкуматдин Председатель гъафиган за гъап1нийи. Тикилишчйири къюб корпусдин дараматарин каркасар дивна, багахъ вахтари дурарин гъваар тикмиш ап1иди. Гъацира имбу корпусарин тикилишарра гъахура.

Ахтармиш'валарин къаляхъ, Нюсрет Уьмаровди гъапнуки,

(Аьхир 2-пи машнаъ.)

В.В.Путин Дербентдиз гъафнийи



(Эвел 1-пи машнаъ.)
Урусатдин
Президентдин
Дербентдиз асас мялум
ап1бар:

«Урусатдиз айт1ан туризм артмиш ап1баз вари шарантар а, ккуни жорейин сиягътар ап1уз мумкинвалар а, жара улкйириш адрударстар».

«Дагъустандиз ва, гъадму гъисабнаан Дербентдиз, айт1ан туризм ахю гъаракатининди артмиш шула. Мушваъ тяжублу табиаът, жара лайикълу ишвар а. Варидикан гъамус дупнур куудубк1уз даршул».

«Дербент шагърин артмиш валикан улхури, РФ-ийн Гьюкуматдикан ккун ап1урза, мушваъ, республикаийн к1ули айири т1алаб гъап1ганси, региондихъди сат1иди, кьан дарап1ди, артмиш валин планар ачухъди улихъ дивуб, дурар тамам ап1бан вахтнаъ ва дурар к1улиз адагъуз финансар деетбаъ лазим вуйи дигиш валар т1ауб».

«Москвейин ва Вариурусатдин патриархди гъарган к1ури шулу: «Мусурнар –

мурар ихъ чвийр ву». Думу гъаци хъузра ву, диди ихъ гизаф миллетарикан ибарат вуйи, гизаф конфессийрин, саб вуйи халкъдин аьлакыйир мюгъкамра ап1ура».

«Дагъустандиз ва вари Урусатдиз реакция фициб шулуш, шаклу дайза».

Му гафар улкйейин президентди Урусатдин Федерацияи 24-пи июнди къабул гъап1у къарарихъди аьлакълуди гъапидар вуйи. Меликовди государственнойн к1ули айириш Дагъустандин халкъ гъарган кюмекназ гъюз гъязур вуйиваликан, республикаийн агъалйир яракълу гъархъбариз гъарган гъаршу вуйиваликан гъапнийи.

Дици вуйибдин президент хъяхъган Дербентдин агъалйирихъди гюрюшмиш гъахъиган сабсана ражну умудлу гъахънийи.

**СМИ-ийан гъязур
гъап1ур
Аь. РАШИДОВ.**

Шикларий: РФ-ийн Президент В.В. Путин Дербентдиз гъафигандин геренар.

**Шиклар интернетдиан
адагъдар ву.**

Мектебдин тикилишдин гъял ахтармиш гъап1ну

(Эвел 1-пи машнаъ.)
ерийиз манигъвалар адарди, тикилишдин ляхнарин гъаракат за дап1ну ккунду. Гъаз гъапиш, объект улупнайи вахтна ишлетмиш вализ тувну ккунду.

Табасаран райондиз гъаму вахтна Туруф гъулаъра 100 урхурайриз йишв ади мектеб дивра, гъацира Жулжагъ гъулаъ 300 урхурайриз йишв ади ц1ийи мектеб дивуб планламиш ап1ура. Думу планар улупнайи вахтари к1улиз адагъур дупну, умудлу хъуз шулу.

(Хусуси мялумат).



Ихъ яшлуйир

Юбилейихъди тебрик гъап1ну

Цци июлин 2-ди Чвудат1 гъулаъ яшамини шулайи Айсет Вердиханова РД-ийн Халкъдин Собранийи РД-ийн главайин вакил Нюсет Умаровди ва «Табасаран район» МР-ин Глава Мягъмед Къурбановди Сергей Меликовдин ччвурнахъан 90-йис хъбан юбилейихъди тебрик гъап1ну.

Думу СВО-ийн женгарий иштирак шулайи Владислав Вердихановдин баб ву.

Думу бабан юбилей тебрик ап1уз райондин Жямъаьтлугъ палатаийн председатель Аьлимирза Гъясанов, ЦРБ-ийн главврач Абсеретдин Мирзабегов ва Чвудат1 гъулан администрацияийн вакилар гъафну.

Айсет Вердихановаийн байвахт Вагандин Ахю Дявдин йисари гъубшну. Дявдин къяляхъ хъана читин йисар вуйи. Думу читинвалар Ай-



сет бабазра алахъну. Дявдин къяляхъ йисари дугъу чан хал-хизан ккебгъну.

Думу читинвалариз дилигди, Айсет Вердихановаийи 12 велед ахю ва тербияламиш гъап1ну. Айсет баб «Игит – баб» ву.

Мягъмед Къурбановди бабаз мюгъкам сагъвал,

уьмрин ярхи йисар, хушбахтвал ккун гъап1ну ва пешкешар тувну.

Айсет бабу, чав к1аин алаъну, чпихъна райондин руководство гъювалиин гизаф рази духъну, ахю чухсагъул гъапну.

(СМИ-ийан гъязур
гъап1ур У. Къурбанова).

Р. Гъямзатовдин багъри гъулаз гъушну



Ккудушу рягъятвал йивбан йигъари, Расул Гъямзатовдин 100 йис хъуб къайд ап1бан рамкйирихъди, Табасаран райондин администрацияийн коллектив Хунзах райондиз айи шаирин багъри Ц1ада гъулаз гъушну ва душваъ машгъур йишварихъди таниш гъахъну.

«Расул Гъямзатов саб-швнубан ихъ райондиз гъахъну ва дугъу к1уйики, Табасаран кьюбпи Швейцария ваъ, хъа Швейцария кьюбпи Табасаран ву. Гъелбетда, учу шаирин

ондин администрацияийн аппаратдихъди гюрюшмиш гъахъну.

«Учу лап ужуйи къабул гъап1ну. Матласдиз, Тобот рибчрайиз ва Мочох даграз лигуз гъушнийча. Уткан йишвар ву», - гъибик1ну чан сайтдиз, чухсагъул мялум ап1ури, Мягъмед Къурбановди.

Хунзах райондин главайи, ядигар вуди, Мягъмед Къурбановдиз Расул Гъямзатовдин ширар дидик1найи юрт багъиш гъап1ну.

(СМИ-ийан).

Жигъиларихъди гюрюшмиш гъахъну



27-пи июнди ихъ улкйейи жигъиларин Йигъ вуди къайд ап1уру. Думу йигъан «Табасаран район» МР-ин Глава Мягъмед Къурбанов райондин жюрбежюр жямъаьтлугъ ляхнариш иштирак шули тафавутлу гъахъи райондин жигъиларин вакиларихъди гюрюшмиш гъахъну. Гюрюшмишдиз райондин администрацияийн Жигъиларин центрин волонтерариз, жигъиларин жюрбежюр тешиклатарин вакилариз ва ВФСК ГТО-ийн гъизилин значкйирин сагъбариз теклиф гъап1ну.

Серенжемдин иштиракчйирихъна илт1ик1ури, Мягъмед Къурбановди гъамци гъапну: «Гъийин девриш уьмриш хъуркьувалар гъазанмиш ап1бан бадали, варитерефарихъанди ар-

тмишди к1ул инди вуйи кас духъну ккунду. Аьгъюваларин булагъ яркъу ап1уз, жямъаьтлугъ уьмриш активно иштирак, спортдин машгъул хъуз, улкйейи, республикаийи, райондиз к1ули гъягъру гъаракатариин маракъламиш духъну ккунду. Ичв арайиш выпускникар гизаф а, дурариз заан урхбан заведенйирик куч1вуз хъуркьувалар хъуб ккун ап1ураза».

Райондин администрацияийн спортдин отделин начальник Низами Агъаризаевди къайд гъап1ганси, гъаму йисан ГТО-ийн нормйир райондин 28 касди гъизилин значокдиз тувну, муниципалин фестиваларий физкультураийинна – спортдин комплексдиз варжариинди жигъилар (Аьхир 8-пи машнаъ.)

«Бунт тарабгъуз гьидритувалиин рази вуча...»

- к1ура агьалйири

Спецоперація гьабхурайивалин азиятар, дердер ц1иб ву к1ури, уьлкейин гележегдикан фикир ктру саб жерге инсанари уьлкейин айт1 бунт гьит1ибккнуну. 23-пи июни «Вагнер» ЧВК-йин ахюр Е. Пригожинди, уьлкейин ахю гьуллугьнаа аий саб жерге жавабдар ксарихьна вуйи чан рази дарувал улупури, чан хиликк ккайи агьэраринди эскрар уьлкейин айт1 бунт гьит1ибккнуну, шагьрар, гьулар дисуз жалб гьап1ну. Думу хабри их уьлкейин агьалйирик ахю гьалабаллугь кпнийи. Хьа мясляатчи ксарин к1убанвалиинди, бунт дицикьан яркбуди тарабгъуз гьитундайи. Му месэлайин агьалйирихьан, чпин фикрар пуб ккун ап1ури, гьерхбар гьап1унза. Дурари гьамци гьапнийи:

Надир Мягьямедов. – Телевизириан дициб хабар гьеебхьиган, гизаф дерд гьабхьийиз. Гьи их уьлкейи Украинанин неонацистарихьди женг гьабхурайиган, уьлкейин айт1 мициб бунт гьит1ибккуну аьдат дар, аххир. Гьи варици саб гаф дап1ну, их уьлке уьбхювалин ерина, ухьу чиб – чпиз кьаршу гьудужвуз вуйи гьаракатар гьахуз дих ап1ури шулин?. «Вагнер» ЧВК-йин эскрари Артемовск шагьур неонацистарихьан азад гьап1ну к1ури гьеебхьиган, вари шад гьахьнийи. Хьа гьамус дурари чпи улупу гьунарар чпи ликариккан ап1ура. Уьлкейин фунур руковдителин ляхникан чпи разиди дарш, думу мясляатниинди гьял ап1уз чара дабгуну ккунду. Сариз тмунур кьабулди дар к1ури, вари уьлкейин агьалйир ккагъуз хай даршул. Уьлкейин руковдствойиз

кюмек ап1рушваь, дугъаз кьаршу удруч1вур, аххир. Узуз В. Путинди гьабхурайи ляхин гизаф кьабулди вузуз...

Мерзина Аьлиева. – Вахт – вахтарик вушра, гьамцдар ужудар дару хабрар ерхьруган, жвуван веледарин гележегдикан фикир ап1уб алабхьуру. Сад йисна гьац1 гьабгьюра, их уьлкейи Украинанин неонацистарихьди женг гьабхури. Уьлкейин, душваь яшамеш шулайи агьалйирин гележег бадали, их эскрари чпихьан шлуб вари ап1ура. Дурарин арайиь зийнар духьну вазариинди госпиталариь дахьнайидар, инвалидар духьну хулаз дунфнайидар хайлин а. Хьа их гележег бадали жанар дивдар вари т1ан ахю гьюрматназ лайикьлу ву. Йиз байра, хтулра спецоперацыйиь иштирак шула. Дурар гьалибвал гьадабгьну, гьулаз гьиди к1ури ккилигурайири, Ростовдиз бунт гьит1ибккнуну к1уру ч1уру хабар гьеебхьунуз. Дерд дархьиди гьубзурдар, аххир. Йиз фикриан, жвуван ватанагьлийиинна хил за ап1ру кас, думу ватанагьлиси гьисаб ап1уз хай даршул. Гьисиб читин йигьан уьлкейин айт1 бунт гьит1ибккайиз, неонацистарихьан Донбасдин сабсана шагьур азад гьап1нийиш, дурариз ахю чухсагьул хьибдийи. Их уьлкейин агьалйири В.Путиндиз икрам дап1ну ккунду, гьаз гьапиш Б. Ельцинди ккидипу уьлке дугьу ликт1ин гьап1ну, агьалйирин дуланажагь заан дережайихьна хьап1уз чалашмиш шула. Ухьуз ккунибра гьадму вухьуз. Дугъаз ва уьлкейин агьалйиригьаршу удруч1вну к1ури, чпин хил ан фук1а дяргьрубдин дурар гьаз гьавриь адарш, мюгьтал

вуза. Дугъаз кюмек ап1ру йишваь бунт ккебгъуз хай даршул...

Минаят Фаридова. – Бунт гьит1ибккнуну к1уру хабри гизаф дерд тувнийуз. Узу гьамци фикир гьап1нийза: «Гьамусьятна их уьлкейи Украинанийи спецоперація к1ули гьабхура. Яраб уьлкейин айт1ра гьархьувалар гьахьиш, их дуланажагь фициб шуйк1ан?» Узуз юкьур биц1ир азуз. Ав, ич хизан рабочий хизан ву. Жилир жара йишвариз лихуз гьагьюру, узу, биц1идариз хьайивал ап1ури, хулаь шулза. Лихуз гьушиганра, ужуб кьимат кайи ляхин алабхьуру вахтра шулу, алдарабхьуру вахтра. Хьа гьамус саб лиг, спецоперація к1ули гьабгьюрашра, биц1идар айи хизанариз их уьлкейин руковдствойи фициб кюмек тувраш. Гьациб янашмиш вал ву пенсионерарихьнара, хьа спецоперацыйиь гьуллугь ап1урайидариз, дурарин хизанариз асас фикир тувра. Ав, уьлке ахьуб ву, душваь миллионариинди агьалйир яшамеш шула. Варидиз ккуниб сар руковдителихьанра ап1уз шлуб дар. Хьа уж вал ап1уригьара манигьвал дап1ну ккунду, аххир...

Амирхан Велибеков. – Жибар ац1иган, дицдар ксарин ап1уз жара ляхин адар, бунт гьит1ибккнуну ккунду к1уру фикир шулу. Дицдар ксарин хиял шулуки, чпи к1убнидар вуча к1ури. Думу к1убанвал дар. Думу уьлкейихьна, душваь яшамеш шулайи инсанарихьна вуйи вижмасузвал ву. Му уьлкейиь яшамеш хьуз ккундарш, ккуни йишваз гьагьюз варици ихтияр а. Бунтар гьит1ибккуну, чпикантина уьлкейин агьалйир инжиг гьаз ап1уру? Дицдар бунтари гьам уьлкейиз зарар

тувру, гьамсана агьалйирин арайиь ниразивал арайиз хуру. Ккудубшу аьсрин 90-пи йисар ухьхьан думукьан ярхлаз гьушундар. Думу йисарин бунтари их уьлке, уьлкейин агьалйир фициб йигьахьна гьахнуш, гьархуз вахт гьабхьундар. Думуган, Б.Елциндин тереф уьбхюрча к1ури, вари инсанар ликри гьудужвнийи. Натижайиь ухьуз гьубзуб ич1и тукарар, йисариинди тутруврайи маважибар, пенсийир, биц1идарин пособийр вуйи. Хьа ляхникан улхуруш, рабочий йишвар гьудургнийи, яни заводар, фабрикар хьаркьнийи. Гьулан мяшатдин продукция гьясил ап1увал ми – мидарди дийибгьнийи. Жара уьлкейирин гьяспикк ккадарди дахьнайи продуктар, алахьру палтар ухьухьна хури, кьубди кьиматназ масу тувуз хьюгьнийи. Саб гафниинди, их уьлкейиь 50-60 процент гьясилвал дийибгьнийи. Жара уьлкейири туврубдикан асиллу гьахьнийихьа. Ярхлаз гьаз гьагьюру? Гьадабгьухьа их район. Райондин ми – мидарди вари гьуларий халачийрин фабрикар гьаракатнаь айи, фабрикарйи т1ан савайи, хулаьра халачийр урхуйи. Гьулан йиц1исаб мяишат, «Ватан» завод гьаракатнаь айи. Гьадрар вари ккут1нийи, сарун тамам ап1уз ляхин адруган, их райондин агьалйир, аххирихьси дишагьлийир, жара йишвариз лихуз гьагьюз хьюгьнийи. Хайлин хизанариь ниразивалар гьахьнийи. Думу йигьар к1ваьлан гьаьну, гьира уьлкейиь бунт ачмиш ап1рудар арайиз удруч1вур. Их уьлкейиь бунт гьит1ибккайиз, Украинанин неонацистар т1анкь ап1уз гьарахри...

Таспийат Мусаева. – Ростовдиз бунт гьит1ибккнуну

к1ури гьеебхьиган, фикрарик кахьнийзу. Ав, Донбасдин варит1ан гужалди спецоперацыйин женгар гьагьюрайи Артемовск шагьур неонацистарихьан азад гьап1у игитари, гьи их уьлкейин айт1 бунт гьит1ибккнуну к1ури гьеебхьиган, дерд дархьиди гьудрубзур, аххир. Чиб – чпин арайиь айи ниразивал бунт гьит1ибккбийинди гьял ап1уз шлуб дар. Думу мясляатниинди, уьлкейизра, агьалйиригьара зарар ктруси, ухьуз кьаршу жара уьлкейирра рази даршлуси, гьял дап1ну ккунду. Узуз гьеебхьубдийинди, бунт гьит1ибкккиган дурар яваш ап1уз завуз адау их самолетар бунт гьит1ибккдарийвну ирчну, летчикар гьийихну, к1ур. Думу летчикарин фу тахсир а хьа? Гьамусьятна их уьлкейин агьалйирин дуланажагь ужуйи ву. Уьлкейин улихь хьайидари уьлке ликт1ин ап1уз чара зигура. Агьалйир бадали ап1урайи ляхиз манигьвалар дап1ну ккундар. Их уьлке ухьу дюрюбхиш, думушли уьбхиди? Ухьу ухь ин алархьруб дар, аххир...

Мурад Арифов. – Му ляхнийн гьира мюгьтал духьну имиза. Е. Пригожинди мициб усал ад гьадабгьур к1ури, хиял дайиз. Жвуван гьардшариина, чйириина хил за гьап1у дугъаз фициб кьимат тувуз шул? Узу саб ляхнийн шад гьахьунза, ккудубшу аьсрин 90-пи йисариси, их уьлкейин агьалйири бунт гьит1ибккдарин тереф гьибисундар. Гьац хьували, уьлкейиь сакитвал гьубзуну, ифи удрубзди му месэла гьял ап1уз мумкинвалар гьагьну...

(Гьерхбар гьап1ур отделин редактор Угьлангерек АБДУЛКЕРИМОВА).

Ставрополь крайин Минводы шагьриь 21-23-пи июни «PRO Яблоко-2023» V выставка к1ули гьубшну. Думу выставка йимишар гьясил ап1рудариз ва уьрхудариз, яни йимишдин багьарихьди алакьалу вуди ляхин ап1урайидариз, бахш дап1найиб вуйи.

Гьарисан варицион`йин специализламиш дап1найи думу выставкаийи йимишар гьясил ап1рудар, кивру материал, специализламиш дап1найи техника ва йимишдин багьарийишлетмиш ап1ру алатар, минералин удобренйир ва набататар зиянкрарихьан уьрхюз ишлетмиш ап1ру дармнар, лит1нариинди шид тувру кьурулушар, йимишдин багьар итрудар, предпрыйириин технологар, йимишар уьрху, жюрбежор сортариз жара, тартиб ап1ру ва йит1ру, тешкилатарин улихь хьайи пишеклар, алве-

рин сетарин ва тартиб ап1ру заводарин менеджар, финансарин ва лизингарин тешкилатарин управлйишйир иштирак шулу.

Выставкаийин йигьари, дидин иштиракчйир 20 агьзур кв.м. йишв`ин дивнайи жюрбежор экспонатариз гьилигну ва душваь к1ули гьушу 50-рилан зина конференцийириь, семинариь, мастер – классариь иштирак гьахьну. Думу конференцийириь Урусатдин ва жара уьлкейириан дунфнайи аьлимари, улихь хьайи экспертари доклады гьап1ну. Выставка Урусатдин гьулан мяшатдин ва Ставрополь крайин гьюкуматдин, Варидюн`йин гьийин деврин багьбанчивалин «Ставрополийн багьар» мектебдин жягьтлувалиинди тешкил гьап1уб вуйи. Выставкаийиь Урусатдин ГД-йин ва СФ-йин, РАН-дин

ва федералин жара тешкилатариан вакилар иштирак гьахьну. Думу выставкаийи иштирак хьуз ккуни багьбанчивалин тешкилатарин руковдителин кьадар гьарисан аргухь шулу. Выставкаийиь гьацира гьунши ва ярхла жара уьлкейириан вуйи, гьадму гьисабнаан Италияийан, Сербияийан ва Германияийан гьясилдрар, Кафари Кьавкьаздин федералин округдин муниципалитетарин руковдителир иштирак гьахьну.

«PRO Яблоко-2023» V выставкаийиь Дагьустан Республикаийн гьулан мяшатдин ва тартиб ап1ру Министерствойин министрин сарпи заместитель Шарип Шарипов к1ули ади ахю делегация иштирак гьабхьну. Делегацияийн дахилнаь РД-йин Халкьдин Собраниеийн депутат Уллубий Абуков,

РД-йин багьбанчйирин Союздин председател Сайдула Орусханов ва республикаийн багьбанчивалин улихь хьайи мяшатарин руковдителир айи. Шарип Шариповди республикаийн багьбанчивалин артмиш`валикан гьамци гьаьну:

- Урусатдиь йимишар – мейвийир гьясил ап1баан Дагьустан республика шубупи йишв`ин ал. Сабпи йишваь - Краснодарин край, кьубпи йишваь - Кабардино – Балкарияийн республика. Хьа гил айи йимишар гьясил ап1баан ихь республикаийи сабпи йишв бисура. Ухьуз мялум вуйиганси, аххиримжи йисари республикаийн руковдствойи республикаийи багьбанчивал артмиш ап1баз асас фикир тувра, гьадму гьисабнаан гьясил гьап1у йимишар тартиб ап1ру ва уьрху йишвар теш-

кил ап1уз. Мисалназ, Мягьрамкент райондиь «Багь» КФХ-йин кевшариин гьийин деврин т1алабариз жаваб тувру 10 агьзур тонн йимишар уьрхюз мумкинвал айи дарамат тикмиш дап1ну ккудук1ура.

Аххиримжи йисари республикаийи хифар, аьмлюхьар гьясил ап1увализра асас фикир тувра. «Полоса» ООО-йи Урусатдиь вари т1ан ахю (2 агьзурна 300 гектариь) аьмлюхьарин багь ибтна. Выставкаийи хайлин гьясилдрарихьди гьюрюшмиш гьахьунча. Йимишар уьрху оборудование гьазур ап1ру Урусатдин улихь хьайи гьясилдрарихьди саб жерге инвестицияийн проект гьял ап1бан месэлийрин гьаькьнаан гафар – ч1алар гьап1унча...

Багьбанчивал гележег айиб ва инвестицияйр жалб ап1уз мумкинвал айи цир- (Аххир 8-пи машнаь.)

Выставка к1ули гьубшну

Добро пожаловать в гостевой двор «Хапиль»



В 2 июля Табасаранском районе текущего года состоялось официальное открытие современного туристического объекта - гостевого двора «Хапиль».

В качестве почетных гостей праздник с главой муниципалитета Магомедом Курбановым посетила и делегация Государственной Думы России, в которую вошли председатель комитета Госдумы по молодежной политике Артем Метелев, депутаты Хизри Абакаров, Юлия Саранова, Вячеслав Дамдицурунов, Алексей Волоцков, а также уполномоченный Главы Дагестана в Народном Собрании РД Нюсрет Омаров, министр по туризму и народным художественным промыслам республики Эмин Мерданов.

Гостевой двор расположен в живописном месте на берегу реки Рубас недалеко от достопримечательностей района - Крепости «Семи братьев и одной сестры», Ханагского (Хучнинского) водопада, фортов средневековой оборонительной стены Даг-бары.

За год усилиями инвестора Тажир Гаджимагомедова на необустроенной территории вырос современный кемпинг-центр с прогулочными дорожками, зеленой зоной и местами для парковки. В общей сложности разместиться в



нем могут до 50 человек. Забронировать домик можно как в самом гостевом доме, так и через Интернет.

«Нам есть что показать гостям района: прекрасные пейзажи, исторические памятники, уникальные природные объекты, художественные промыслы, такие как табасаранские ковры,

известные во всем мире. С появлением новых объектов гостевой инфраструктуры, таких как гостевой двор «Хапиль», туристический потенциал Табасаранского района значительно расширится», - подчеркнул на торжественном открытии Магомед Курбанов.

Туристическую привлекательность муниципалитета и роль гостевого бизнеса для его экономического развития отметили и другие выступавшие. Нюсрет Омаров, например, сказал, что реализация подобных проектов важна для создания новых рабочих мест - только благодаря данному объекту более 15 человек

смогут трудоустроиться рядом с домом, а Артем Метелев и Хизри Абакаров рассказали о важности для страны развития внутреннего туризма.

С открытием гостевого двора жителей района поздравил и Эмин Мерданов.

Пожелав проекту и району процветания, одним из однозначных плюсов развития туризма он назвал развитие сельской и горной территории: «Открытие подобных проектов - яркий пример того, что нам благородно развитию туризма удастся удержать отток населения из сельской местности в города».

В свою очередь Тажир Гаджимагомедов поблагодарил присутствующих за поздравления, а Хизри Абакарова и Магомеда Курбанова за поддержку проекта.

Почетные гости участвовали в традиционной церемонии перерезания красной ленточки, после чего осмотрели территорию гостевого двора. К услугам гостей 10 домиков, рассчитанных на различные компании от 2 до 6 человек, уютные беседки, комфортабельный ресторан, где можно попробовать традиционные блюда дагестанской кухни.

Али ИСАЕВ.
Фото
Нурулла РАГИМОВА.



Профилактика – основная задача

Одним из ключевых направлений борьбы с террористическими проявлениями в общественной среде выступает их профилактика. Проводить профилактику терроризма среди молодежи намного проще, чем ликвидировать последствия подобных явлений. По периметру нашей школы установлено ограждение, круговое освещение, а также 16 камер видеонаблюдения, «тревожная кнопка». Имеется дежурный мобильный телефон с прямым выходом в РОВД.

Защищать обучающихся от всего негативного - это совместная задача коллектива школы и родителей. В МКОУ «Ягдыгская СОШ №2» в 2022-2023 учебном году обучались 71 учащихся. Почти все учащиеся нашей школы заняты спортом: борьбой, футболом. Систематически провели профилактические беседы с обучающимися об общественной опасности экстремизма и терроризма, классные часы на тему «Терроризм – угроза обществу», «Ответствен-

ность за ложное сообщение о терроризме». Профилактические беседы на разные темы против терроризма и экстремизма с обучающимися 7-10 классов проводят инспектор по делам несовершеннолетних, участковый инспектор полиции и имам мечети Халиков М.Э. Устраиваются «круглые столы» с приглашением лиц из правоохранительных органов ПДН, имама села на тему «Терроризм: сущность и способы противодействия» с обучающимися 7-10 классов. Учитель изобразительного искусства и технологии Наврузов С.Р. ежегодно проводит конкурс «Нет – террору», где принимают участие обучающиеся 2-7 классов. Руководитель ОБЖ Расулов Р.В. и классные руководители проводят классные и общешкольные родительские собрания по противодействию экстремизму и терроризму.

Абдуселимов Р. М.,
директор МКОУ «Ягдыгская СОШ №2».

Интересные факты обо всем на свете

Ханс Кристиан Андерсен не мог грамотно написать практически ни одного слова.

Самый большой динозавр из когда-либо обнаруженных достигал в длину более тридцати метров и весил более восьмидесяти тонн.

Ночью Млечный путь выглядит как вытянутое туманное облако, состоящее из более чем двухсот миллиардов звезд.

Земля - единственная планета солнечной системы, которую не назвали в честь бога.

Продолжительность первого выхода в космос Леоновым составила двенадцать минут.

В молодости черноморские окуни в основном самки, но уже к пяти годам они радикально меняют пол.

Во время второй мировой войны первая бомба, сброшенная на Берлин, убила единственного слона в Берлинском зоопарке.

С ноября тысяча девятьсот сорок первого года в Советском Союзе был налог на бездетность. Он составлял шесть процентов от всей зарплаты.

В среднем одинокие мужчины на два с половиной сантиметра ниже ростом, чем женатые. Ежедневная двадцатиминутная прогулка сжигает около трех килограмм жира в год.

Длина всех кровеносных сосудов человеческого тела — около девяносто шести тысяч километров.

(Из СМИ).

Ихь райондиз ЛНР-иан хялар гьяфну



(Эвел 1-пи машнаь.)

Думу йигъан хялар райондин уткан йишварихъдира таниш гъахъну. Хялар рибчрайиккна, «Ургур чвуччунна сар чуччун» гъалайина, гъадму гъалайин али райондин тарихдинна-багъри юрд агъюу ап1бан музейиз гъушну. Душваь хялариз ихь халкъдин культурайикан, ч1алнакан, абдатарикан ктибгъну.

Гъелбетда, хялар «Ургур чвуччунна сар чуччун» гъалайихъди аьлакьалу къисайихъра марагълуди хъпехънийи, хъасин дурари, табиаьтдин уткан йишварихъ



дийигъну, шиклар гъивнийи. Аь.РАШИДОВ.

Н. РЯГЪИМОВДИ гъиву шиклар.

Ерли искусствойин устадар



Халачачивал дегъзаманйрихъанмина ихь дишагълийирин арайиь тарабгънайи ерли искусство вуди гъисаб шуйи. Уьлкейиь дигиш'валар гъягъийиз ихь райондиз халачийр гъясил ап1ру «Табасаран» объединениеий агъзраринди халачачийри ляхин ап1ури айи, гъарсаб вазли, кварталий варжаринди квадратний метр заан ерийин ва экспортдиз иша гъягъру халачийр гъясил ап1уйи. Думу продукцияилан, райондизтан савайи, республикайин хазнайизра аьхю гъазанжар гъюйи. Хъа уьлкейиь к1ули гъушу аьхю дигиш'валарихъди аьлакьалу

вуди, халачийрин фабрикар гъадаргънийи, жара уьлкйириан машинарихъ гъязур гъап1у халачийр хуз хъюгъган, ихь дишагълийирин хилариинди гъурху халачийр зегъметназ гъилигу къиматнахъ дяргъюри гъабхъи. Гъаци, халачийр гъясил ап1увал лап зяйф гъабхъи. Хъа думу ихь халкъдин искусство дудрубган, лап юк1в хъайи халачачийри думу уткан эсерар яратмиш ап1бан бадали, саб жерге дилавар ксарин, хусуси хуларий, карханйирий дуркъар диври, халачийр урхувал давам ап1уз чарийр гъизигъну, ва зигура.

Гъацдар заказдинди вуйи

халачийр урху халачачийрин арайиан вуди гъисаб шула Улуз гъулан агъалийр вуйи Айферез Нурмягъмедова, Гъялимат ва Сефья Ражабовар.

Му дирбаш дишагълийири аьхю аьшкъининди чпиз тувнайи заказ, гизаф гугар ккайи, аьхю плотность айи аьхю къадарнан, ерли рангарик гъирихъу комвольный мурсларин халача убхурайи. Халачайин чешнейикан, размерикан, туврайи къиматнакан гъерхиган, Айферез Нурмягъмедоваий гъамци гъапнийи: «Гъелбетда, ихь дишагълийирин ерли искусствойин эсерар яратмиш ап1уб гъагъи ляхин ву, хъа юк1в хъайивали, к1ваз хуш вуйивали учуз думу читиндира гъибгъурдар. 2,5 метр яркъушин, 3,5 ярхишин айи халача шубур халачачийи юкъуб вазлин арайиь убхурча. Гъелбетда, ляхин заказчикдиз къабул шлуси, чешнера, рангар хъпалгувалра, маш гъабхувалра, плотностра заказдиз асас тамам ап1урча. Гази вуйиган, заказчикдира учуз зарал ктриси, лайикъ вуйи къиматра тувру. Учуз заказар айивалиин рази вуча. Ич зегъметнакан, гъелбетда, ич хизандин дуланажагъ тямин ап1базра хайлин кюмек шулу, заказчикдин гъуллугъра тамам шулу».

Табасаран дишагълийирин ерли искусствойин эсерар яратмиш ап1увал давам ап1уз, жигъил наслиз му искусствойин жини сирар агъюу ап1уз гележгидиьра сагъвал тувричвуз, гъюрматлу халачачийр.

Фарзилат РАЖАБОВА. Нурулла РЯГЪИМОВДИ гъиву шикил.

СВО-ийн игитар

Къягъял жигъиларикан сар

Улихъна йигъари Тинит1 гъулан агъали СВО-ийн иштиракчи Закир Нурмягъмедовдин ва дугъан хизандин улуркъуз «Табасаран район» МР-ин Глава Мягъямед Къурбановдин табшуругънинди, райадминистрацияийн главайин жямьябтлугъ хат1асузвалин ляхнариз лигру заместитель Ринат Мирзабалаев ва райондин депутатарин Собраниеийн председателин заместитель Яшар Абдулов гъушну. Закир Нурмягъмедовдиз Украинаийь к1ули гъябгъюрайи спецоперацияийь чан эскервалин гъуллугъ тамам ап1урайи вахтна, нубатнан женгнаь саб – швнуб пара курк1ну, зийнар гъахъну. Госпиталиь хайлин вахтна зийнар сагъ дап1ну, реабилитацияийьра гъахъну. Реабилитацияийьхъан гъамус отпускидиз чан хизандин арайиь рягъятвал гъадабгъура. Душваь гъахъи зийнариан уларин рябкъюваллизра аьхю зарар гъабхъну. Хъа думу жигъилин, бегъемди сагъ духъну, женгнаь айи чан дустарихъна гъягъюз аьхю къастар а. Закир Нурмягъмедовдиз райондин главайин терефнаан Гъюрматнан грамота, хъа мицир к1убан бай гъюрхю, тербияламиш гъап1у абийр – бабариз Чухсагъулин кагъаз тувну. Закирин абийр – бабар вуйи Муса ва Гюлейбат Нурмягъмедовар балин гъунараинди уткан ву. «Тинит1 гъулан совет» СП-ийан СВО-ийи иштирак шулайи жигъиларин къадар аьхюб ву. Душваь иштирак шулайидарикан хайлинди, чпин хушнинди Ватан уьбхюз душнайидар ву. Райондин администрацияийн гъушу хялари СВО-ийн иштиракчийиз чпихъан гъял ап1уз шлу месэлийриь фуну вахтна вушра кюмек тувуз гъязурди вуйиваликан гъапну.

Фарзилат РАЖАБОВА.

9-пи июль. Урусатдин почтайин йигъ ву

Мугъан ляхникан разиди ву

Урусатдин почтайин йигъ ухъухъ гъарсад йисан июль вазлин къюпди элгет йигъан къайд ап1уру. Цийин йисан думу йигъ 9-пи июлиз алабхъура. Почтайин йигъан гъаншарий учу Дербентдин почтамтдин Хючна гъулаь айи ПС-диз гъушнийча. Душваь хайлин йисари операторди лихурайи, гъамус вахтназ вуди почтайин начальникдин вазифийр тамам ап1урайи Мадина Мазала-

му пишекар чан агъювалар хъана артмиш ап1уб метлеб вуди, жюрбежюр конкурсарийра иштирак шулу. 2016-пи йисан Дагъустан Республикаийн почтайин отделенийриь лихурайи операторарин арайиь к1ули гъубшу «РД-ийн ужурсир оператор» конкурсдиз 1-пи йишв гъазанмиш гъап1ну. Зигурайи марци зегъметназ лигну, Мадина Мазалаева РФ-ийн аьлакьайин Ми-



евайихъди гафар – ч1алар гъап1нийча.

Мадина Мазалаева ихь райондин Хючна гъулаь гъуллугъчийин аьхю хизандиз бабкан гъахъну. Хючнаарин къялан мектеб ккудубк1у Мадина Дагъустандин госуниверситетдиз урхуз уч1вну. Университет ккудубк1у жигъил пишекар багъри мектебдиз мялимди лихуз хъюгъну. Гъадму саб вахтна му райондин почтайиьра (1998-пи йисан) лихуз операторин ляхин ап1ури мугъан гъамус 25 йис тамам шула. Чан ляхнихъна жавабдарвалиинди янашмиш шлу

нистерствойин терефнаан, РД-ийн аьлакьайин Министерствойин ва Табасаран райондин Главайин терефнаан Гъюрматнан грамотийрихъди лишанлу дап1на. Мадина Мазалаева райондин почтайиз илт1ик1у агъалийрин гъуллугъар вахтнинди ва ерийинди тамам ап1ур ву. Хъа мугъахъна гъарсад йигъан жюрбежюр месэлийрихъди илт1ик1урдарин къадар ц1иб шулдар.

Фарзилат РАЖАБОВА. Шиклий: Мадина Мазалаева ляхнихъ.

Нурулла РЯГЪИМОВДИ гъиву шикил.

1	2	3	4	5					
↓	↙	↘	↘	↘	↘	↘	↘	↘	↘
Кон на ринге	Невежа "в юбке"	Жанр газеты	Помощь в деле	Пацан (стар.)	4	Сыграл тётю из Бразилии			Кислая ягода
			Форма лицевая	Трактор из Простоквашино	1				Эдгар-импрессионист
Придоча к прихлопу		3			Юбка по колёно				
Искусство паяцев	Песнопение в церкви	Тканая картина				Творец кибернетики	Мяч в свои ворота		Река в Таиланде
			Отец Исаака (библ.)						
Дикий осёл	Голосистый грек Демис		Сэр... Черчилль		Жена сына				?
2					5				Общак в Интернете
					Выговор с занесением	Танец молдаван			

Жигъиларихъди гюрюшмиш гъахъну

(Эвел 2-пи машнаъ.)

иштирак гъахъну. Райондин Жигъиларин центрин директор Руслан Керимовди Жигъиларин центрин волонтерар районди к1ули гъягъру серенжемариь активно иштирак шлуваликан, читинвалиь ахъдариз кюемкнан хил гъач1абккруваликан, дулари СВО-ийъ гъуллугъ аплурайи эскрарин хизанарин тереф уьбхруваликан ва жара месэлийирикан гъапну.

Серенжемдин ахъриь Мягъямед Къурбановди райондин жмяяблугъ ляхнариь активно иштирак гъахъи Жигъиларин центрин волонтерар ГТО-ийн гъизилин значкийрихъди, Чухсагъулин кагъзарихъди лишанлу гъапну.

(Хусуси мялумат).

Агъяди ужу ву

Саб суткаийъ 30-50 грамм хифар ишлетмиш аплуб къадар ву. Эгер къадарт1ан артухъ ишлетмиш гъапниш, дюдерин воспаление, ушвниь зийнар, к1ул ицру, ифдин табар ккуру шулу.

Хифар к1ул уцрувал, нивк1 дяргъювал, к1ваълан гъябгърувал терг аплуз ужуб дарман ву. 3-4 хиф саб мулчвриь айи марци ийччвухъди иплуб ифдин табар ккуру хъувалин уьзур терг аплуз ужуб дарман вуди гъисаб шулу. Гъацира диди, аьсси гъахъиган, сабурулу аплуз

ахью гъяракат аплуру, ва дидик гизаф къадар магний ка.

Хифарин ччим кесме (геморрой) уьзрин гъутлурк1у зийнар сагъ аплуз, гъубгу йишванк ктатуз ишлетмиш аплуру.

15-20 грамм хифарин ччим йишвну дахъруган гъубхъиш, диди к1ару лик1 марщ аплуз, фунин (желудокдин) перде къайдайиз хуз кюемк аплуру.

(СМИ-ийан гъязур гъап1ур Ф. Ражабова).

Юбилейихъди!



Табасаран райондин Жмяяблугъ палатаийн председателъ, Дагъустандин лайиклу юрист Аьлимйрза Гъяжиевич Гъясановдин июлин 1-ди 75 йис тамам гъабхъну.

Аь. Гъ. Гъясановди чан зегъметнан рякъ Хюрккарин къялан мектебдиь мялимди лихбалан ккебгъну.

Хъасин жюрбежюр йисари думу Табасаран РОВД-ийн силисчиди, райондин суддин председателди, Табасаран райондин администрацияийн главайин ва-

зифийи тамам аплурди, Дагъустандин Халкъдин Собраниеийн къанунар адагъбан, къанунчивалин, гъюкуматдин къурулушдин ва самоуправлениеийн комитетдин председателди гъилихну.

Гъи Аь. Гъяжиев ляхниндира, насигътарииндира гъам райондин руководствойиз, гъамсана жигъилариз кюемкчи ву.

Гъюрматлу Аьлимйрза Гъяжиевич, юбилейихъди тебрик аплури, увуз мягъкам сагъвал, хушбахтвал, жмяяблугъ ляхниь хъуркъувалар ккун аплурача.

«Табасаран район» МР-ин Глава.
«Табасаран район» МР-ин депутатин Собрание.
«Табасаран район» МР-ин Администрация.
Райондин Жмяяблугъ палата.

(Ответы на сканв № 27)

	К	И	Н	О		В		А	
Т		Т	О	М	А	Г	А	В	К
Е		К		А	Ю			А	
Л		К	О	Л	О	Д	Е	Ц	
Е		У		М	А	Р	И		
Т	С		П	Е	Л	А	Г	Е	Я
А	К	К	Р	А		Х	С		
Й		И		Н	А	Т	А	Л	Ь
П	Ю	П	И	Т	Р		И	Н	
С	К	Г		А		И	Р	А	К
С	О	Б	Р		М	У	З	Ы	К
		Н	А	О	М	И	В	Р	
		Х	В	О	С	Т	О	В	И
Д	Р	У	И	Д		И	З	И	Д
		С	К	А	Й	П		С	Ы

Выставка к1ули гъубшну

(Эвел 3-пи машнаъ.)

Кларикан саб вуди гъисаб шула. Статистарин улупбаринди, гъарисан ихъ уьлкеийъ ц1ийи багъар итувалин къадар артухъ шула. Багъар итудариз гъюкуматдин терефнаан кюемк тувувалра заан держайиь а. СКФО-ийъ ва ЮФО-ийъ ц1ийи технологийи ишлетмиш аплури, гъийин деврин т1алабариз жаваб тувру йимишдин багъар итувал улхъан жергйириь айиваликан пишекрари къайд аплура.

Урусатдин Минсельхоздин улупбаринди, Кабардино – Балкария республикаийн, Краснодар крайи, Волгоград областди, Адыгея Республикаийн, Крым Республикаийн чпин кевшанарин гъясил гъап1у йимишарихъди агъалийи тямин аплуру. Думу республикийириь, областариь, чпизра ишлетмиш дап1ну, масу тувува йимишар гъясил аплуру. Йимишдин ц1ийи багъар итбакан улхуруш, Краснодар край, Кабардино – Балкария, Дагъустан, Белгороддин область, Чечня улхъан жергейиь а.

Пишекрари къайд аплурайиганси, гъамусаятна ихъ уьлкеийн агъалийириь гъарисан 1 миллион тонн вичар гъурк1ада (ухъу гъясил гъап1у вичарихъди уьлкеийн 25 процент агъалийи тямин аплуз шулу). Думу къадар вичар жара уьлкеийириан масу гъадагъураха.

Гъулан мяншатдин отдел.

Хайрлуб хайлин агъю гъап1ну



Мялум вуйганси, цщийн йисан апрелин 25-ди Хючнаарин гизаф профилар айи сабпи нумрайин лицейиь, райондин мектебарийъ 9-10-пи классариь урхурайидарин арайиь математикаийн профессор Зейдулла Юзбеговдин ччвурнахъ хъайи олимпиадаийн муниципалин пай к1ули гъубшнниь. Душваь райондин 37 мектебдин 65 урхурайири иштирак гъахънниь. Шубуб сяаьтдин арайиь к1ули гъубшу думу олимпиадаийи йирхъур урхурайири приздин йишвариз лайиклу гъахънниь. Олимпиадаийи гъалиб гъахъи ва приздин йишвар гъазанмиш гъап1у урхурайидар, дулар гъязур гъап1у мялимарра хъади, Москва шагърин заан урхбан заведенирихъди, ихъ уьлкеийн меркездин культурайин ва тарихи

йишварихъди таниш аплуз экскурсияийиз гъауз сертификатар тувниь. Гъалиб гъахъи урхурайидар вуйи: Аьбдул Къурбанов – 10-пи класс, Сефият Гагаева – 9-пи класс (къюредра Хючнаарин гизаф профилар айи сабпи нумрайин лицей, мялимар – Ръгъимат Гъяфизова ва Гюлейбат Балаева), Мадина Гъялимова (Гурхъарин къялан мектеб, 10-пи класс), Мерзят Мягъямедова (Гискарин къялан мектеб, 9-пи класс), Камалутдин Сутриев (Хючнаарин къюбли нумрайин къялан мектеб, 9-пи класс), Къурбан Ильясов (райондин гимназия, 9-пи класс).

Табасаран райондин администрацияийн тешкил гъап1у думу шубуд йигъандин экскурсияийи урхурайидар ва дуларин мялимар Москва шагъриь культурайин

ва тарихдин йишварихъди таниш гъахъну ва к1ваълан дяргъру хайлин хайрлуб агъю гъап1ну.

Экскурсияийи муар Уьру майдандин, М.В. Ломоносовдин ччвурнахъ хъайи Москваийн Государствойин университетдиь (МГУ-ийи), Третьяковдин галереяийи, ВДНХ-ийи гъахъну, Мо-

сква шагърин къялаь Москва нир'ин теплоходийи гъеертну ва жара уткан йишвариз гъушну.

Ихъ райондин глава Мягъямед Къурбановди къайд гъап1ганси, му олимпиада райондин образованиеийн тешкилатариь урхурайидарин арайиь заан агъювалар айи урхурайидар ашкар аплуз ва дуларик хъана артухъ гъевес кап1уз к1ули гъабхурайиь ву. Мициб жюре олимпиада гъарсад йисан к1ули гъабханди ву.

Гъелбетда, му экскурсияийи урхурайидариз хайлин агъдруб ва мянфяаблугъ агъю гъап1ну.

Фарзилат РАЖАБОВА.

Шиклий: экскурсияийн иштиракчийи ихъ ватанагъли профессор, МГУ-ийн мялим Зейдулла Юзбеговдиьди.

Учредитель:
Администрация МР
«Табасаранский район».

Главный редактор
И.М. Яралиев.
Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер:
ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя:
368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)
Срок подписания в печать по графику - 17.00
Подписано в печать - 17.00

Телефон:
Главного редактора - 8-967-390-76-85.
Адрес электронной почты:
golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.
По всем вопросам качества печати обращаться в типографию
Тираж 2145
Заказ №